



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-459-2/25
Banja Luka, 7. 5. 2025. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 25. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), postupajući po zahtjevu [REDACTED], glavne i odgovorne urednice poslovnog portala „Akta.ba“ iz Sarajeva, generalni direktor Direkcije za civilno vazduhoplovstvo Bosne i Hercegovine donosi:

RJEŠENJE
o pristupu informacijama

Odobrava se pristup informacijama koje su u vlasništvu Direkcije za civilno vazduhoplovstvo Bosne i Hercegovine (u daljem tekstu: BHDCA), a po zahtjevu [REDACTED], glavne i odgovorne urednice poslovnog portala „Akta.ba“ iz Sarajeva.

Obrazloženje

Dana 30. 4. 2025. godine, BHDCA je elektronskom poštom zaprimila Zahtjev za pristup informacijama na osnovu Zakona o slobodi pristupa informacijama na nivou institucija Bosne i Hercegovine (u daljem tekstu: Zakon), u kojem podnosilac zahtijeva sljedeće informacije: „Koje kompanije trenutno posjeduju važeću dozvolu Direkcije za civilno vazduhoplovstvo Bosne i Hercegovine za obavljanje djelatnosti rukovanja i skladištenja avionskog goriva tipa JET A1? Ukoliko postoji razlika između dozvola za rukovanje gorivom i dozvola za njegovo skladištenje, molimo Vas da to posebno naznačite, uz pripadajuće kompanije koje ispunjavaju te uslove.“

Postupajući po navedenom zahtjevu, BHDCA je preduzela sve radnje kako bi prikupila tražene informacije i razmotrila sve činjenice i okolnosti koje su značajne za obradu zahtjeva, a na osnovu čl. 7, 9, 12. i 23. stav (1) Zakona. BHDCA je u cjelosti odobrila pristup informacijama koje su u vlasništvu BHDCA, zbog čega je odlučeno kao u dispozitivu ovog rješenja, i podnosiocu zahtjeva dostavlja informaciju kako slijedi.

Jedina dozvola koju je BHDCA izdala je dozvola za opsluživanje gorivom pravnom licu „EOL Petrol“ d.o.o. Sarajevo. Organizacija koja dobije dozvolu nema definisanu klasifikaciju na skladištenje ili manipulaciju gorivom i kao takvu BHDCA ne izdaje. Ne pravi se razlika u manipulaciji i skladištenju.

U skladu sa čl. 13. i 24. stav (1) Zakona, podnosilac zahtjeva oslobođen je plaćanja taksi i naknada na ovo rješenje i informaciju.

Kako podnosilac zahtjeva nije naveo način na koji će mu se dostaviti informacija, ovo rješenje sa traženim informacijama biće dostavljeno elektronskim putem na adresu elektronske pošte sa koje je zahtjev i stigao, u skladu sa članom 22. stav (2) Zakona. Ovo rješenje podnosiocu zahtjeva će dostaviti službenik za informisanje BHDCA sa službene adrese elektronske pošte.

Uputstvo o pravnom lijeku: Protiv ovog rješenja može se, u skladu sa članom 28. stav (2) Zakona, u roku od 15 dana od dana prijema rješenja, podnijeti žalba Žalbenom savjetu pri Savjetu ministara BiH kao drugostepenom organu, na adresu Trg BiH 3/IX, 71 000 Sarajevo. U skladu sa članom 201. stav (2) Zakona o upravnom postupku i Zakona o administrativnim taksama BiH, iznos takse na žalbu, po tarifnom broju 2, iznosi 10 KM.

Dostavljeno:

- [redacted]

- [redacted]@akta.ba

- a/a.

Generalni direktor
Zorislav Ivanović

